

Na osnovu člana 72. stav (3), tačka a) Zakona o javnim nabavkama („Sl. glasnik BiH“, broj: 39/14, 59/22 i 50/24) u postupku javne nabavke radova na zamjeni postojećih rasvjetnih tijela LED sijalicama - faza II Grad Lukavac d o n o s i

## **ODLUKU**

### **o dodjeli ugovora drugorangiranom ponuđaču**

#### **Član 1.**

Poništava se Odluka broj: 04-04-2466/25 od 01.10.2025. godine za nabavku radova na zamjeni postojećih rasvjetnih tijela LED sijalicama - faza II Grad Lukavac kojom je ugovor dodijeljen ponuđaču "SPOTLIGHT" d.o.o. Sarajevo a nakon što je odabrani ponuđač propustio dostaviti originale ili ovjerene fotokopije zahtijevane dokumentacije, u roku koji je odredio ugovorni organ.

#### **Član 2.**

Ugovor za javnu nabavku radova dodjeljuje se drugorangiranom ponuđaču „KOP I KO“ d.o.o Živinice sa ponudnom cijenom od 18.186,00 KM bez PDV-a i rokom plaćanja 60 (šezdeset) dana kao najpovoljnijem ponuđaču.

#### **Član 3.**

Ova odluka objavit će se na internet stranici ugovornog organa ([www.lukavac.ba](http://www.lukavac.ba)).

## **Obrazloženje**

Postupak javne nabavke pokrenut je Odlukom o pokretanju postupka javne nabavke broj: 06-02-2415/25 od 22.08.2025. godine. Javna nabavka sprovedena je u otvorenom postupku. Procjenjena vrijednost javne nabavke bez PDV-a je 21.182,00 KM.

Obavještenje o nabavci broj: 719-1-3-87-3-122/25 objavljeno je na Portalu javnih nabavki dana 28.08.2025. godine i Ispravka obavještenja o nabavci broj: 719-1-3-87-8-124/25 od 02.09.2025.godine.

Komisija za provođenje postupka javne nabavke imenovana Rješenjem o imenovanju Komisije broj: 02-04-2472/25 od 29.08.2025. godine, dostavila je Pomoćniku Gradonačelnika: Zapisnik o pregledu i ocjeni ponuda broj: 06-04-2466/25 od 30.09.2025. godine, Preporuku o izboru najpovoljnijeg ponuđača broj: 06-04-2466/25 od 30.09.2025. godine i Izvještaj o radu broj: 06-04-2466/25 od 30.09.2025. godine.

U postupku po Izvještaju o radu Komisije utvrđeno je da je Komisija za provođenje postupka javne nabavke blagovremeno i pravilno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku blagovremeno zaprimljeno 5 (pet) ponuda;
- da nije bilo neblagovremeno zaprimljenih ponuda;
- da su četiri ponude kvalifikovane i prihvatljive, naime dostavljeni su svi traženi dokazi propisani tenderskom dokumentacijom, na propisan način.
- da je jedna ponuda odbačena kao nepotpuna

Svi ponuđači su obaviješteni o rezultatima postupka nabavke, te je najpovoljniji ponuđač pozvan da dostavi originale ili ovjerene fotokopije dokumentacije iz člana 45. Zakona o javnim nabavkama (tražene tačkom 13.1.3.a) Tenderske dokumentacije) i članova 48. i 51. Zakona o javnim nabavkama (tražene tačkama 13.3.2 b) do d) Tenderske dokumentacije, te original ili ovjerenu fotokopiju Aktuelnog izvoda iz sudskog registra koji je dostavljen u ponudi kao fotokopija, u roku od 7 dana od dana prijema obavještenja o rezultatima postupka.

Odabrani ponuđač je u ostavljenom roku dostavio ovjerene kopije dokumentacije iz člana 45., 48. i 51. Zakona, ali je dostavio običnu fotokopiju Aktuelnog izvoda iz sudskog registra koju je propustio ovjeriti, zbog čega je Ugovorni organ postupio u skladu sa članom 72. stav (3) tačka a) Zakona o javnim nabavkama i ugovor dodijelio drugorangiranom ponuđaču kao što je i navedeno u članu 1. ove Odluke.

#### **Pouka o pravnom lijeku:**

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

Žalitelj je obavezan dostaviti original dokaz o plaćenju naknade za pokretanje žalbenog postupka, ovjeren od strane banke, sa pozivom na broj protokola odluke na koju se izjavljuje žalba.

Žalba se podnosi putem ugovornog organa, u pisanoj formi direktno ili preporučenom poštanskom pošiljkom na adresu: Grad Lukavac – Služba za investicije i razvoj, Trg Slobode broj 1, 75300 Lukavac, a izjavljuje se Uredu za razmatranje žalbi, Filijala Mostar. Žalba se podnosi u najmanje 3 (tri) primjerka.



Pomoćnik Gradonačelnika

Lejla Hodžić, dipl.ing. građ.

#### **Dostaviti:**

1. KOP I KO D.O.O. ŽIVINICE
2. SPOTLIGHT D.O.O. SARAJEVO
3. ELEKTROCENTAR PETEK D.O.O TUZLA
4. ERING D.O.O. ŽIVINICE
5. RIMENERG D.O.O. BANOVIĆI
6. Arhivi